

brana cum areolis obscure griseo-fumata, ubique dense hyalino-irrorata, venis albidis, macula inter apicem cunei et areolam minorem aliaque ante medium marginis exterioris hyalinis; antennis flavo-testaceis, articulo primo annulo tenuissimo subbasali fuscescente, ante apicem interne atomis duobus nigris pilam nigram ferentibus; pedibus albidis, femoribus apicem versus punctis nigris adpersis, posticis inferne sat dense nigropunctatis, tibiis spinulis nigris e punctis sat magnis fusco-nigris nascentibus, tarsis extremo apice articuli tertii cum ungviculis fusco; capite ab antico viso latitudine cum oculis parum brevior, vertice oculo vix magis quam $\frac{1}{3}$ latiore; oculis sublaevibus; rostro medium ventris attingente. Long. ♂ 4 mm.

Insula Teneriffa (Laguna!), D. Becker (Mus. Hung.).

Ps. atomoso Reut. sat similis, sed major, vertice maris angustiore, rostro longiore, colore structuraque antennarum, tibiis nigrospinulosis, etc. divergens. Caput basi pronoti fere duplo angustius, ab antico visum latitudine cum oculis parum brevius, infra oculos sat productum, a latere visum fortiter nutans, altitudine basali distincte brevius, fronte valde declivi, clypeo compresso, sat prominente, basi supra lineam inter bases antennarum ducendam posita, genis (♂) humillimis, gula perbrevis; flavo-testaceum, vertice ferrugineo. Oculi fusi, sublaeves, maris in genas longissime extensi. Rostrum albidoflavens, apicem versus testaceum. Antennae maris pallide flavo-testaceae, in sinu oculorum fere ad quartam apicalem partem orbitae interioris insertae, articulo secundo toto lineari, crassiusculo, primo parum graciliore, margine basali distincte paullo longiore, duobus ultimis simul sumtis secundo paullulum brevioribus. Pronotum latitudine basali duplo brevius. Scutellum apicem versus pallide flavens. Hemelytra abdomen longe superantia. Tarsi postici articulo tertio secundo brevior, ungviculis sat leviter curvatis, aroliis angustis usque ad medium ungviculorum extensis.

17. *Psallus longiceps* n. sp.

Albido-flavens, vertice vittulis duabus vittulaque utrinque ad orbitam interiorem oculi, fronte utrinque lineolis transver-